



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Authentisirter Begriff Deß Wunderthätigen Glaubens/
Heyl-würckenden Seegens/ Vnd Auf solche Benediction
von Gott ertheilter Beneficien vnd erfolgten vilen
Wundersamen Begebenheiten/ Deß Gottseeligen ...**

Aymair, Franz Wilhelm

Augspurg, 1681

LXXV. Aneben disem Orth/ vnd bey obermeltem Seelsorger/ ...

urn:nbn:de:hbz:466:1-9690

noch ledigen Stands/ ist von Mutter Leib an dem
 linken Arm lahm/ vnd der Zungen nach also ver-
 hindert geböhren/ daß er gemelten Arm im wenige-
 sten nicht auf das Haupt heben / noch einige deut-
 liche Wort recht außsprechen können/nachdem aber
 selbiger verwichenen 17. Novembris, neben an-
 dern vil tausenden eifrigen Christen sich nacher
 Augspurg begeben / vmb den gnadenreichen Se-
 gen des wunderthätigen Buss, Predigers Rev. P.
 Marci de Aviano zu empfangen / ist es ihme Chri-
 stoph Humen/ nach erhaltenem H. Segen so wohl
 ergangen / daß er gleich den auß Mutter Leib sonst
 krummen Arm/wie annoch/auff das Haupt heben/
 auch die sonst gleichsam gebundene Zungen vil
 deutlicher gebrauchen können. Welches / daß es
 ihme in der Wahrheit also seye / seynd folgende
 Zeugen vor Ampt andlich abgehört worden / wel-
 che bey ihrem Gewissen einhellig außgesagt/daß der
 Casus, wie er hiezo beschriben / sich also zugerragen
 habe. Gezeugen seynd:

M. Johann Ulrich Beer/Pfarrer.

Vnd sodann die Erbare Sebastian Lotter / Bartholome
 Thorn/Christoph Mahr/Georg Kugler/vnd Hans Lotter/alle
 von Bockspurg.

LXXV.

Neben diesem Orth / vnd bey obermeltem
 Seelsorger / sagt eine andere Persohn (dero
 Nahmen folgender Umbsständen halber billich in
 Geheim zu halten) andlichen auß/was gestalten sie
 eine lange Zeit hero vnaufhörlich in einer Arth
 J schwer

schweren Sünden von dem losen Geist versuche
 worden/ vnd zwar in der Sünd/ welche der gedul-
 tige Job im 31. Cap. beschreibet: Hoc enim nefas
 est & iniquitas maxima, ignis est, ulque ad perdi-
 tionem devorans & eradicans omnia genimina,
 daß es seye ein vnzimlich Ding / vnd ein sehr gro-
 ße Mißthat / ein Feuer / welches zum Verderben
 frisset / vnd alles Gewächs mit der Wurzel außreut-
 tet; Welche der Prophet Oseas Cap. 7. nennet
 Clibanum succensum à coquente, ein angeschü-
 teten / angehitzen Feuer, Ofen / von welchem glei-
 cher massen in dem Buch der Richter / Cap. 10. vnd
 20. gelesen wird / quòd cunctas urbes & viculos
 Benjamin vorax flamma consumpserit, daß diese
 fressende Flamm alle Städte / Plätz vnd Dörffer
 des Geschlechts Benjamin verzehret vnd aufgeri-
 ben / welche der H. Augustinus nennet Lib. de doct.
 Christ. Inimicam DEO, inimicam virtutibus & quæ
 omnem substantiam perdit, eine Feindin Gottes /
 eine Feindin der Tugenden / vnd welche alles Ver-
 mögen verzehret / vnd seye sie fast allezeit in derglei-
 chen Versuchungen vnterlegen / vnd von dem losen
 Geist überwunden worden / biß sie endlichen mit
 bußfertigen Herzen des wunderthätigen Segens
 sich theilhaftig gemacht / von welcher Zeit an sie
 zwar öftters versucht / aber niemahlen mehr gefal-
 len seye / vnd vertraue festiglich zu Gott / daß sie
 fürtershin jederzeit in solchem Gnaden-
 Stand werde erhalten
 werden.

Merck